


Цэргийн төв эмнэлгийн дарга-аренхий
эмчийн 2023 оны 2 дугаар сарын 13 -ны
өдрийн 14 дугаар тушаалын хоёрдугаар
хавсралт



ЭМИЙН ЭМЧИЛГЭЭГ ЗОХИЦУУЛАХ ХОРООНЫ АЖИЛЛАХ ЖУРАМ

Нэг. Нийтлэг зүйл

1.1 Цэргийн төв эмнэлгийн эмийн эмчилгээг зохицуулах хороог (цаашид "ЭЭЗХ" гэх) болон антибиотикийн дэд хорооны ажиллах бүрэлдэхүүн, түүний үйл ажиллагааны эрх, үүргийг энэхүү журмаар зохицуулна.

1.2 ЭЭЗХ нь "Төрөөс эрүүл мэндийн талаар баримтлах бодлого"-ыг хэрэгжүүлэх, нянгийн тэсвэржилтийг бууруулах чиглэлээр арга хэмжээ авах, эмчилгээний өндөр идэвхтэй, чанарын баталгаатай эмийн сонголт, түгээлт, хадгалалт, хэрэглээ хүртээмжид хяналт тавих, эмийн эмчилгээг тасралтгүй, жигд, оновчтой, үр ашигтай болгох, нянгийн тэсвэржилт, мэдрэг чанарын зүй тогтлыг тандах, судлах, эмч, эмнэлгийн мэргэжилтэн, үйлчлүүлэгчид эмийн зохистой хэрэглээг төлөвшүүлэх үйл ажиллагааг зохион байгуулахад оршино.

"Эрүүл мэндийн тухай" хууль, "Эм, эмнэлгийн хэрэгслийн тухай" хууль тэдгээрт нийцүүлэн гаргасан эрх зүйн баримт бичиг, бусад хууль тогтоомж, стандартыг үйл ажиллагаандаа мөрдлөг болгон ажиллана.

Хоёр. Зохион байгуулалт

2.1 ЭЭЗХ-г эмнэл зүй эрхэлсэн орлогч дарга тэргүүлэх бөгөөд нарийн бичгийн даргаар эмнэлгийн эм зүйн албаны дарга байна.

2.2 Хороо нь эмнэлгийн даргаар батлуулсан ажлын нарийвчилсан төсөв, төлөвлөгөөтэй байх бөгөөд үйл ажиллагаанд шаардагдах зардлыг жил бүр байгууллагын төсөвтөө тусган санхүүжүүлнэ.

2.3 Хороо нь дэргэдээ "Нянгийн тэсвэржилтийг бууруулах хөтөлбөрийг өөрийн эмнэлгийн нөхцөлд тохируулан боловсруулж, хэрэгжүүлэх баг" буюу антибиотикийн дэд хороотой байна.

2.4 Антибиотикийн дэд хорооны бүрэлдэхүүнд халдвар судлаач эмч, нян судлаач эмч, эмнэлзүйн эм зүйч чанарын алба, сувилахуйн алба болон эрчимт эмчилгээ, мэс засал, дотрын /уушги/ тасгийн эмч нарын төлөөлөл ажиллана.

Гурав. Эмийн эмчилгээг зохицуулах хорооны эрх

3.1 Хороо дараах эрх эдэлнэ.

3.1.1 Зайлшгүй шаардлагатай эмийн жагсаалт, зонхилон тохиолдох өвчний оношилгоо, эмчилгээний удирдамж, эмчилгээний стандарт боловсруулахад санал өгөх.

3.1.2 Эрүүл мэндийн тусламж, үйлчилгээнд шинэ эм, Монгол улсын бүртгэлд бүртгэгдээгүй эм хэрэглэх, эмчилгээнд хэрэглэж байсан эмийг ижил үйлчилгээтэй эмээр солих, зарим эмийн хэрэглээнд нас болон тунгийн хязгаарлалт хийх, гаж нөлөө ихтэй нь тогтоогдсон болон эмчилгээний үр дүнгүй эмийг эмчилгээнээс хасах зэргээр Хүний эмийн зөвлөлд асуудал дэвшүүлэх.

3.1.3 Тендерийн материал боловсруулах, бэлтгэх болон тендерийн үнэлгээний хороонд гишүүнээр оролцох, тендерээр худалдан авч байгаа эмийн сонголт, чанар, зарцуулалт, гэрээний хэрэгжилтэд хяналт тавих, биелэлтийг үнэлэх.

3.1.4 Нянгийн дасал, мэдрэг чанарын зүй тогтлыг судлан тандахад эмч, мэргэжилтэнг татан оролцуулах.

3.1.5 Эмийн чанар, хангамж, хэрэглээтэй холбогдсон аливаа зөрчлийг арилгуулахаар эмнэлгийн удирдлага, шийдвэр гаргагчдыг мэдээллээр хангах, зөвлөмж дүгнэлт гаргах, тэдний үйл ажиллагаанд дэмжлэг үзүүлэх.

3.1.6 Хорооны ажлыг гүйцэтгэхэд эмнэлгийн эмч, мэргэжилтэнг татан оролцуулах.

3.1.7 Эмнэлэгт эмийн зохистой хэрэглээг төлөвшүүлэх талаар санал, зөвлөмж гаргах.

3.1.8 Эмийн зохистой хэрэглээг төлөвшүүлэх талаар улс, орон нутаг, байгууллагын түвшний хурал, зөвлөгөөн, ярилцлага, сургалтад оролцох, зохион байгуулах.

Дөрөв. Хороо нь дараах үүрэг хүлээнэ.

4.1 Эмийн эмчилгээний үр дүнг тооцон эмийн хэрэглээг үнэлэх, эмчилгээний болон эдийн засгийн үр ашиггүй эмийн хэрэглээг бууруулах, эмийн үнэ, эмийн эмчилгээний чанар, хүртээмжийг сайжруулах чиглэлээр хяналт, судалгаа хийх, үр дүнг тайлагнах

4.2 Эмийн гаж нөлөөг бүртгэн, мэдээлэх үйл ажиллагааг зохион байгуулах, холбогдох журмын дагуу гаж нөлөөний мэдээллийг хэлэлцэн, үнэлж Эрүүл мэндийн яамны Эм, эмнэлгийн хэрэгслийн хэлтэст хүргүүлэх

4.3 Гаж нөлөө үүсгэх эрсдэл өндөртэй, эмчилгээний индекс багатай эмийн жагсаалтад эмнэлгийн тусалж, үйлчилгээний онцлогтоо тохируулан гаргаж, жагсаалтад орсон эмийн гаж нөлөө илэрсэн үед авч хэрэгжүүлэх стандарт үйл ажиллагааны заавар боловсруулан баталж, мөрдүүлэх

4.4 Эмийн хэрэглээтэй холбоотой тохиолдож болзошгүй эрсдэл, эмчилгээний тохиолдлоос сэргийлэх, түүнийг арилгах арга хэмжээг зохион байгуулах.

4.5 "Антибиотикийн зохистой хэрэглээг төлөвшүүлэх, эмэнд нянгийн тэсвэржилт үүсэхээс сэргийлэх" стратегид заасан үйл ажиллагааг төлөвлөн хэрэгжүүлэх.

4.6 Тасгуудад хэрэглэж буй антибиотик болон нянгийн үйлдэлтэй эмийн хэрэглээг үнэлэх, нянгийн дасал, мэдрэг чанарын зүй тогтлыг судлан тандах, үр дүнг эмнэлгийн эмч мэргэжилтнүүдэд тайлагнах.

4.7 Эмнэлгийн тусламж үйлчилгээтэй холбоотой халдвараас сэргийлэх аргачлал, гарын авлага, удирдамж боловсруулахад оролцох, жорын маягт, жор бичилтийн стандартын мөрдөлт, жорын маягтын хангалт, хүртээмж жор бичилтийг сайжруулахад чиглэсэн арга хэмжээ зохион байгуулах, хяналт тавьж ажиллах.

4.8 Эмнэлгийн эмч, мэргэжилтэнг улсын бүртгэлд бүртгэгдсэн шинэ эмийн мэдээллээр хангах, эмийн эмчилгээг оновчтой, эдийн засгийн үр ашигтай, үр дүнтэй төлөвлөх чадварыг бий болгох ажлыг зохион байгуулах, удирдлага арга зүйгээр хангах.

4.9 Эмнэлэгт хэвтэн эмчлүүлж буй болон амбулаториор үйлчлүүлэгчдэд эмийг ялангуяа антибиотик болон нянгийн эсрэг үйлдэлтэй эмийг эмчийн зааврын дагуу зөв зохистой хэрэглэх хэрэглээний талаарх мэдээлэл олгох үйл ажиллагааг зохион байгуулах

Тав. Антибиотикийн дэд хорооны үүрэг

5.1 Антибиотикийн дэд хорооны ахлагч:

5.1.1 Нянгийн тэсвэржилтийг бууруулах хөтөлбөрийг удирдан ажиллана,

5.1.2 Эмийн эмчилгээг зохицуулах хорооны гишүүн байна,

5.1.3 Нянгийн тэсвэржилтийг бууруулах хөтөлбөрийн төлөвлөлт, менежментийг хариуцан ажиллах,

5.1.4 Нянгийн тэсвэржилтийг бууруулах хөтөлбөрийн жил тутмын төлөвлөгөөг боловсруулах, төлөвлөгөөний биелэлтэд хяналт тавих,

5.1.5 Эмнэлгийн тусламж үйлчилгээний төлөвлөгөөг боловсруулахад оролцох,

5.1.6 Нянгийн эсрэг эмийн хэрэглээг тогтмол хянаж, аудит хийсэн талаар Эмийн эмчилгээг зохицуулах хороо болон эмнэлгийн удирдлагад мэдээлэх,

5.1.7 Дэд хорооны гишүүдийн хамт сургалт, судалгааны ажил хийх зэрэг үйл ажиллагааг хэрэгжүүлнэ.

5.2 Нян судлаач эмч

5.2.1 Нянгийн тэсвэржилтийг бууруулах хөтөлбөрийн үйл ажиллагааг ахлан, тэргүүлэх үүрэг гүйцэтгэх,

5.2.2 Нян судлалын шинжилгээг хийх багаж, тоног төхөөрөмж, оношлуур зэргийн хүртээмжтэй байлгах талаар эмнэлгийн удирдлагад мэдээлэх,

5.2.3 Антибиограм болон нянгийн тэсвэржилтийн тандалтын мэдээллийг холбогдох эмч, эмнэлгийн мэргэжилтэнд түгээх,

5.2.4 Антибиотикийн мэдрэг чанарын шинжилгээний дүнг мэдээлэх, шинжилгээний хариуг тайлагнах ажлыг хариуцах,

5.2.5 Шаардлагатай тохиолдолд түргэвчилсэн шинжилгээг нэвтрүүлэх,

5.2.6 Олон эмэнд тэсвэртэй нянг эрсдэлт бүлэгт илрүүлэх, хянах, мэдээлэх ажлыг зохион байгуулах,

5.2.7 Бусад шинжилгээтэй харьцуулан таамаг антибиотик эмчилгээ сонгоход шаардлагатай мэдээ, мэдээллийг эмч нарт түгээнэ.

5.3 Антибиотикийн асуудал хариуцсан эм зүйч

5.3.1 Нянгийн тэсвэржилтийг бууруулах хөтөлбөрийг хэрэгжүүлэх багийн бусад гишүүдтэй эмнэлзүйн тусламж үйлчилгээг үзүүлэхэд хамтарч ажиллах,

5.3.2 Эмнэлзүйн удирдамж, эмийн эмчилгээ болон бусад холбогдох журам, дүрэм боловсруулахад оролцох, шинэ антибиотик эмийн эмчилгээг хянах,

5.3.3 Хөтөлбөрийн интервенцид хамрагдах эмчлүүлэгчийг тодорхойлж сонгох,

5.3.4 Антибиотик эмийн эмчилгээг зохицуулах, тухайлбал: өргөн хүрээний үйлдэлтэй эмээс явцуу хүрээний үйлдэлтэй эмэнд шилжүүлэх эсвэл эмийн хэлбэрийг өөрчлөх буюу тарилгын эмийн хэлбэрээс уух хэлбэрт шилжүүлэх, шаардлагагүй антибиотикийг зогсоох, хавсарсан эмчилгээний талаар үнэлгээ хийж хянах,

5.3.5 Хязгаарлалттай хэрэглэх антибиотикийн жагсаалтыг халдвар судлаач эмч, нян судлаач эмчтэй хамтран батлах,

5.3.7 Антибиотикийн хэрэглээ болон тандалтын судалгааг хариуцах. Үүнд:

5.3.7.1 Эмнэлгийн антибиотикийн хэрэглээ, зарцуулалт антибиотик эмчилгээний талаар антибиотикийн дэд хороо, эмийн эмчилгээг зохицуулах хороо, эмч нарт эргэн мэдээлэх, мэдэгдэх,

5.3.7.2 Удирдамжийн дагуу эмчилгээ хийгдэж буй эсэх,

5.3.7.3 Эмийн эмчилгээний алдаа,

5.3.7.4 Эмнэлгийн болон үндэсний түвшний тандалтын мэдээ

Тав. Эмийн эмчилгээг зохицуулах хорооны тайлан мэдээг ирүүлэх

5.1 ЭЗЗХ-ны эмнэлгийн эмийн хэрэглээний талаарх мэдээг сар бүр дотооддоо гаргах

5.2 Тушаалын маягтуудыг хавсаргав

5.3 Тайланг бүтэн жилээр нэгтгэн гаргаж, эмнэлгийн тэмдгээр баталгаажуулан Эрүүл мэндийн яамны Эм, эмнэлгийн хэлтэст дараа оны 1

сарын 10-ны дотор бичгээр болон асуудал хариуцсан мэргэжилтний цахим хаягаар ирүүлэх.

ЦЭРГИЙН ТӨВ ЭМНЭЛЭГ